

Broj: 01-02-3-1322/15  
Sarajevo, 12.10.2015. godine

**Z A P I S N I K**  
**8. VANREDNE SJEDNICE PREDSTAVNIČKOG DOMA PARLAMENTA**  
**FEDERACIJE BIH, održane 09.10.2015. godine**

Sjednica je počela u 10.37.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, potpredsjednika Federacije Milana Dunovića, predstavnike Vlade Federacije BiH, Međunarodne zajednice, kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su Azra Hadžiahmetović i ministar Mato Jozić, ali će sjednici prisustvovati pomoćnik ministra Alen Taletović dok je kašnjenje najavio Damir Mašić.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Predsjedavajući je podsjetio na član 193. stav 1. Poslovnika Predstavničkog doma Parlamenta Federacije BiH, koji kaže: "O prijedlogu za donošenje zakona po hitnom postupku odlučuje Predstavnički dom kao o prethodnom pitanju prije utvrđivanja dnevnog reda."

Predsjedavajući je kazao da je Vlada Federacije BiH predložila da se Prijedlog Zakona o Poreznoj upravi razmatra po hitnom postupku, što je i usvojeno (56 glasova za, 16 glasova protiv i dva uzdržana glasa).

Nakon toga diskutovali su: Jasmin Kadić, Nasir Beganović, Munib Jusufović, Ismet Osmanović, Ilhan Bušatlić, Jozo Bagarić, Dževad Adžem, Dževad Agić, Alma Kratina i Mahir Mešalić.

Sa 57 glasova za, uz 23 glasa protiv i uz četiri uzdržana glasa, usvojeno je da se Prijedlog Zakona o izmjenama i dopunama Zakona o visini stope zatezne kamate na javne prohode razmatra po hitnom postupku.

Sa 62 glasa za, uz 23 glasa protiv i bez uzdržanih glasova, usvojeno je da se Prijedlog Zakona o tržištu vrijednosnih papira razmatra po hitnom postupku.

Sa 62 glasa za, uz 22 glasa protiv i uz jedan uzdržani glas, usvojeno je da se Prijedlog Zakona o jedinstvenom sistemu registracije, kontrole i naplate doprinosa razmatra po hitnom postupku.

Sa 60 glasova za, uz 23 glasa protiv i uz jedan uzdržani glas, usvojeno je da se Prijedlog Odluke o izmjenama i dopunama Budžeta Federacije BiH za 2015. godinu razmatra po hitnom postupku.

Sa 59 glasova za, uz 25 glasova protiv i uz tri uzdržana glasa, usvojeno je da se Prijedlog Zakona o izvršenju Budžeta Federacije BiH za 2015. godinu razmatra po hitnom postupku.

Sa 65 glasova za, uz 23 glasa protiv i uz tri uzdržana glasa, usvojen je sljedeći:

## D N E V N I R E D

1. Prijedlog Zakona o dopuni Zakona o Poreznoj upravi Federacije BiH – hitni postupak,
2. Prijedlog Zakona o izmjenama i dopunama Zakona o visini stope zatezne kamate na javne prihode – hitni postupak,
3. Prijedlog Zakona o izmjenama Zakona o tržištu vrijednosnih papira – hitni postupak,
4. Prijedlog Zakona o izmjenama Zakona o jedinstvenom sistemu registracije, kontrole i naplate doprinosa – hitni postupak,
5. Prijedlog Odluke o izmjenama i dopunama Budžeta Federacije BiH za 2015. godinu – hitni postupak,
6. Prijedlog Zakona o izmjenama i dopunama Zakona o izvršavanju Budžeta Federacije BiH za 2015. godinu – hitni postupak,
7. Nacrt Zakona o izmjenama i dopunama Zakona o internoj reviziji u javnom sektoru u Federaciji BiH,
8. Nacrt Zakona o izmjenama i dopunama Zakona o sukobu interesa u organima vlasti u Federaciji BiH,
9. Prijedlog Odluke o davanju saglasnosti na Odluku o izmjenama Statuta Federalnog zavoda za penzijsko i invalidsko osiguranje,
10. Prijedlog Odluke o davanju saglasnosti na izmjene Finansijskog plana Federalnog zavoda za penzijsko i invalidsko osiguranje za 2015. godinu i Odluka o izvršavanju rebalansa Finansijskog plana,
11. Prijedlog Odluke o alokaciji obaveza po kreditu Kuvajtskog fonda za razvoj 535 – Projekt četiri ceste i most Musala na FBiH (sa Informacijom o statusu kredita),
12. Prijedlog Odluke o prihvatanju zaduženja po Ugovoru o finansiranju između BiH i Evropske investicijske banke (EIB) za realizaciju Projekta Koridor Vc (Počitelj – Bijača),
13. Prijedlog Odluke o prihvatanju zaduženja po Ugovoru o finansiranju između BiH i Evropske investicijske banke (EIB) za realizaciju Projekta „Obnovljiva energija HE „Vranduk““,
14. Prijedlog Odluke o prihvatanju zaduženja po Sporazumu o finansiranju između BiH i Međunarodne asocijacije za razvoj (IDA) za realizaciju Projekta energetske efikasnosti,
15. Prijedlog Odluke o prihvatanju zaduženja po Ugovoru o finansiranju između BiH i Evropske investicijske banke (EIB) za realizaciju Projekta „Električna distribucija BiH (2010-0562) – izgradnja sistema pametnih mjerenja u elektrodistribuciji“,
16. Usaglašavanje tekstova zakona različito usvojenih u domovima Parlamenta Federacije BiH,
17. Izbori i imenovanja.

### **1. Prijedlog Zakona o dopuni Zakona o Poreznoj upravi Federacije BiH - hitni postupak**

Prijedlog Zakona utvrdila je Vlada Federacije BiH.

Prijedlog Zakona je, u ime Vlade Federacije BiH, obrazložila ministrica Jelka Milićević.

U raspravi niko nije učestvovao.

Sa 66 glasova za, uz 13 glasova protiv i uz šest uzdržanih glasova, usvojen je Prijedlog Zakona o dopuni Zakona o Poreznoj upravi Federacije BiH.

### **2. Prijedlog Zakona o izmjenama i dopunama Zakona o visini stope zatezne kamate na javne prihode – hitni postupak**

Prijedlog Zakona utvrdila je Vlada Federacije BiH.

U ime Vlade Federacije BiH niko nije obrazlagao.

Otvorena je rasprava u kojoj su učestvovali: Jasmin Kadić, Jasmina Zubić, Amra Haračić, Mujo Hasić, te pomoćnik ministricе finansija Hajrudin Hadžimehanović.

Zastupnik Jasmin Kadić nije se složio sa stavom predstavnika Vlade Federacije BiH u vezi sa njegovim amandmanima, te su se zastupnici o njima izjašnjavali. Amandman I. na član 2. stav 2. nije usvojen (26 glasova za, 53 glasa protiv i četiri uzdržana glasa); Amandman II. iza člana 2.d), dodaje se novi član 2.e) nije usvojen (22 glasa za, 51 glas protiv i šest uzdržanih glasova); Amandman III. na član 2.b) stav 1. nije usvojen (23 glasa za, 55 glasova protiv i dva uzdržana glasa).

Sa 65 glasova za, uz 15 glasova protiv i uz jedan uzdržani glas, usvojen je Prijedlog Zakona o izmjenama i dopunama Zakona o visini stope zatezne kamate na javne prihode.

### **3. Prijedlog Zakona o izmjenama Zakona o tržištu vrijednosnih papira – hitni postupak**

Prijedlog Zakona utvrdila je Vlada Federacije BiH.

U ime Vlade Federacije BiH niko nije obrazlagao.

U ime Zakonodavno-pravne komisije obrazloženje je dala Amra Haračić.

U raspravi su učestvovali Ilhan Bušatlić i Amra Kunovac.

Sa 64 glasa za, uz 16 glasova protiv i bez uzdržanih glasova, usvojen je Prijedlog Zakona o izmjenama Zakona o tržištu vrijednosnih papira.

### **4. Prijedlog Zakona o izmjenama Zakona o jedinstvenom sistemu registracije, kontrole i naplate doprinosa – hitni postupak**

Prijedlog Zakona utvrdila je Vlada Federacije BiH.

U ime Vlade Federacije BiH niko nije obrazlagao.

U raspravi niko nije učestvovao.

Sa 63 glasa za, uz 13 glasova protiv i uz dva uzdržana glasa, usvojen je Prijedlog Zakona o izmjenama Zakona o jedinstvenom sistemu registracije, kontrole i naplate doprinosa.

## **5. Prijedlog Odluke o izmjenama i dopunama Budžeta Federacije BiH za 2015. godinu – hitni postupak**

Prijedlog Odluke utvrdila je Vlada Federacije BiH.

U ime Vlade Federacije BiH dodatno obrazloženje dala je ministrica Jelka Milićević.

U raspravi su učestvovali: Dženan Đonlagić, Elvir Karajbić, Boro Krišto, Dževad Adžem, Elzina Pirić, Salmir Kaplan i Mirsad Topčagić.

Pauza.

Nakon pauze, nastavljena je diskusija u kojoj su učestvovali: Mira Ljubijankić, Esad Bašagić, Amra Kunovac, Darjana Katić, Radoslav Luburić, Slavica Josipović, Ilhan Bušatlić, Mahir Nurkanović, Almir Zulić, Suzana Franjka Galić, Elzina Pirić, Sead Jusić, Alma Kratina, Mensud Borović, Ismet Kurić, Belma Pojskić, Jusuf Bubica, Anela Šestić-Begović, Salem Halilović, Zlatko Kravić, Mladen Bošković, Mirsad Topčagić, Jasmina Zubić, Dženan Đonlagić, Damir Mašić i ministrica Jelka Milićević.

Predsjedavajući je kazao da će se preći na sljedeću tačku dnevnog reda, a da se Vlada u međuvremenu izjasni o predloženim amandmanima.

## **6. Prijedlog Zakona o izmjenama i dopunama Zakona o izvršavanju Budžeta Federacije BiH za 2015. godinu – hitni postupak**

Prijedlog Zakona utvrdila je Vlada Federacije BiH.

U ime Vlade Federacije BiH dodatno obrazloženje dala je ministrica Jelka Milićević.

Dogovoreno je da se i o ovoj tački dnevnog reda glasa nakon Vladinog izjašnjenja o amandmanima.

## **7. Nacrt Zakona o izmjenama i dopunama Zakona o internoj reviziji u javnom sektoru u Federaciji BiH**

Nacrt Zakona utvrdila je Vlada Federacije BiH.

Nacrt Zakona razmatrala su nadležna radna tijela i dostavila izvještaje.

U raspravi niko nije učestvovao.

Predložen je uobičajeni zaključak.

Sa 53 glasa za, uz 16 glasova protiv i uz pet uzdržanih glasova, usvojen je sljedeći:

### **Z A K L J U Č A K**

Predstavnički dom Parlamenta Federacije BiH prihvata Nacrt Zakona o izmjenama i dopunama Zakona o internoj reviziji u javnom sektoru u Federaciji BiH, te smatra da može poslužiti kao dobra osnova za izradu prijedloga Zakona.

Zadužuje se predlagač da organizira i provede javnu raspravu u trajanju 90 dana u skladu sa odredbama Poslovnika Predstavničkog doma Parlamenta Federacije BiH o proceduri za organizaciju i provedbu javne rasprave. Zadužuje se predlagač da prilikom izrade prijedloga Zakona ima u vidu sve sugestije, primjedbe i prijedloge iznesene u raspravi, kao i one koje su dostavljene ili će biti dostavljene u pisanoj formi.

## **8. Nacrt Zakona o izmjenama i dopunama Zakona o sukobu interesa u organima vlasti u Federaciji BiH**

Nacrt Zakona utvrdila je Vlada Federacije BiH.

Nacrt Zakona razmatrala su nadležna radna tijela i dostavila izvještaje.

U raspravi je učestvovao Almir Zulić.

Predložen je uobičajeni zaključak.

Sa 58 glasova za, uz 19 glasova protiv i uz pet uzdržanih glasova, usvojen je sljedeći:

### **Z A K L J U Č A K**

Predstavnički dom Parlamenta Federacije BiH prihvata Nacrt Zakona o izmjenama i dopunama Zakona o sukobu interesa u organima vlasti u Federaciji BiH, te smatra da može poslužiti kao dobra osnova za izradu prijedloga Zakona.

Zadužuje se predlagač da organizira i provede javnu raspravu u trajanju 90 dana u skladu sa odredbama Poslovnika Predstavničkog doma Parlamenta Federacije BiH o proceduri za organizaciju i provedbu javne rasprave.

Zadužuje se predlagač da prilikom izrade prijedloga Zakona ima u vidu sve sugestije, primjedbe i prijedloge iznesene u raspravi, kao i one koje su dostavljene ili će biti dostavljene u pisanoj formi.

## **9. Prijedlog Odluke o davanju saglasnosti na Odluku o izmjenama Statuta Federalnog zavoda za penzijsko i invalidsko osiguranje**

Prijedlog Odluke dostavila je Vlada Federacije BiH.

U ime Federalnog ministarstva rada i socijalne politike dodatno obrazloženje dao je pomoćnik ministra Kenan Spahić.

U raspravi su učestvovali: Jasmina Zubić, Jusub Bubica, Elvir Karajbić i Dženan Đonlagić.

Nakon glasanja Dženan Đonlagić je, u ime Kluba zastupnika DF, izrazio sumnju u rezultate glasanja, pa je pojedinačnim izjašnjanjem usvojen Prijedlog Odluke o davanju saglasnosti na Odluku o izmjenama Statuta Federalnog zavoda za penzijsko i invalidsko osiguranje (58 glasova za, 30 glasova protiv i dva uzdržana glasa).

## **10. Prijedlog Odluke o davanju saglasnosti na izmjene Finansijskog plana Federalnog zavoda za penzijsko i invalidsko osiguranje za 2015. godinu i Odluka o izvršavanju rebalansa Finansijskog plana**

Prijedlog Odluke dostavila je Vlada Federacije BiH.

Predstavnik Vlade dao je dodatno obrazloženje.

U raspravi niko nije učestvovao.

Predsjedavajući je kazao da je Dom naroda na sjednici, održanoj 08.10.2015. godine, usvojio Prijedlog Odluke, uz jedan amandman koji se odnosi na tač. I. i II.

Usljedilo je glasanje u vezi sa tim amandmanom, a koji je usvojen (56 glasova za, 22 glasa protiv i četiri uzdržana glasa).

Amandman

U tač. I. i II. Prijedloga Odluke o davanju saglasnosti na Odluku o izmjenama Finansijskog plana Federalnog zavoda za penzijsko i invalidsko osiguranje za 2015. godinu i Odluke o izvršavanju rebalansa Finansijskog plana Federalnog zavoda za penzijsko i invalidsko osiguranje za 2015. godinu iza riječi: „godine“ brišu se tačke i dodaju riječi: „i Odluku o izvršavanju rebalansa Finansijskog plana Federalnog zavoda za penzijsko i invalidsko osiguranje za 2015. godinu broj: UOFZ – 31 -1/15 od 16.09.2015. godine“.

Sa 54 glasa za, uz 26 glasova protiv i uz četiri uzdržana glasa, usvojen je Prijedlog Odluke o davanju saglasnosti na izmjene Finansijskog plana Federalnog zavoda za penzijsko i invalidsko osiguranje za 2015. godinu i Odluka o izvršavanju rebalansa Finansijskog plana.

Rad je nastavljen po 5. tački dnevnog reda.

## **5. Prijedlog Odluke o izmjenama i dopunama Budžeta Federacije BiH za 2015. godinu – hitni postupak**

Ministrica Milićević kazala je da je Vlada Federacije BiH odbila predložene amandmane, uz zaključak da će sve amandmane podnesene u pisanoj i usmenoj formi razmatrati u okviru pripreme Budžeta za 2016. godinu.

Elzina Pirić i Mirsad Kukić nisu tražili izjašnjanje Doma o predloženom amandmanu (član 2. – rashodi i izdaci).

Zastupnici Mirsad Topčagić i Ismet Kurić tražili su da se Dom izjasni o njihovim amandmanima. Amandman I. na ekonomski kod 6141, nije usvojen (26 glasova za, 50 glasova protiv i šest uzdržanih glasova), Amandman II. na ekonomski kod 6141, nije usvojen (24 glasa za, 50 glasova protiv i sedam uzdržanih glasova); Amandman III. na ekonomski kod 6141, nije usvojen (25 glasova za, 50 glasova protiv i devet uzdržanih glasova); Amandman IV. na ekonomski kod 6141, nije usvojen (25 glasova za, 50 glasova protiv i osam uzdržanih glasova); Amandman V. na ekonomski kod 6141, nije usvojen (24 glasa za, 52 glasa protiv i šest uzdržanih glasova).

Radoslav Luburić prihvatio je obrazloženje Vlade i povukao amandman na ekonomski kod 6141, razdjel 16.

Zastupnici su se izjašnjavali o amandmanu Dževada Adžema, koji se odnosi na ekonomski kod 6141, razdjel 16, koji nije usvojen (22 glasa za, 52 glasa protiv i devet uzdržanih glasova).

Sa 60 glasova za, uz 23 glasa protiv i uz tri uzdržana glasa, usvojen je Prijedlog Odluke o izmjenama i dopunama Budžeta Federacije BiH za 2015. godinu.

Zastupnik Almir Zulić u diskusiji je predložio zaključak koji nije usvojen (Zadužuje se Vlada Federacije BiH da prilikom izrade nacrtu Budžeta Federacije BiH za 2016. godinu u potpunosti ili djelimično uvrsti i predložene amandmne na rebalans Budžeta za 2015. godinu, a koji se odnose na transfere sredstava za projekte na području Unsko-sanskog kantona, 29 glasova za, 35 glasova protiv i 20 uzdržanih glasova).

Predsjedavajući je predložio zaključak o kojem su se zastupnici izjašnjavali.

Sa 66 glasova za, uz pet glasova protiv i uz 12 uzdržanih glasova, usvojen je sljedeći:

## Z A K L J U Č A K

Predstavnički dom Parlamenta Federacije BiH zadužuje Vladu Federacije BiH da prilikom izrade nacrtu Budžeta Federacije BiH za 2016. godinu uzme u obzir amandmane koji su na sjednici Predstavničkog doma podneseni na Prijedlog Odluke o izmjenama i dopunama Budžeta Federacije BiH za 2015. godinu i prijedloge i sugestije iznesene u raspravi u vezi sa Prijedlogom Odluke.

Sa 59 glasova za, uz 23 glasa protiv i uz dva uzdržana glasa, usvojen je pod tačkom **6. Prijedlog Zakona o izmjenama i dopunama Zakona o izvršavanju Budžeta Federacije BiH za 2015. godinu.**

Vođenje sjednice nastavio je potpredsjedavajući Doma Mladen Bošković.

### **11. Prijedlog Odluke o alokaciji obaveza po kreditu Kuvajtskog fonda za razvoj 535 – Projekt četiri ceste i most Musala na FBiH (sa Informacijom o statusu kredita)**

Prijedlog Odluke dostavila je Vlada Federacije BiH.

Prijedlog Odluke razmatrala su nadležna radna tijela i dostavila izvještaje.

Uime Odbora za prostorno uređenje, stambeno-komunalnu politiku, ekologiju i turizam obrazlagao je Vjekoslav Bakula.

U raspravi su učestvovali Jasmina Zubić i Mujo Hodžić.

Vjekoslav Bakula tražio je da se Dom izjasni o zaključku, kojim traži da Federacija preuzme sve kreditne obaveze Zapadnohercegovačkog kantona, kao i ostalih kantona.

Sa 55 glasova za, uz 22 glasa protiv i uz tri uzdržana glasa, usvojen je Prijedlog Odluke o alokaciji obaveza po kreditu Kuvajtskog fonda za razvoj 535 – Projekt četiri ceste i most Musala na FBiH (sa Informacijom o statusu kredita).

### **12. Prijedlog Odluke o prihvatanju zaduženja po Ugovoru o finansiranju između BiH i Evropske investicijske banke (EIB) za realizaciju Projekta Koridor Vc (Počitelj – Bijača)**

Prijedlog Odluke dostavila je Vlada Federacije BiH.

Prijedlog Odluke razmatrala su nadležna radna tijela i dostavila izvještaje.

Uime Odbora za prostorno uređenje, stambeno-komunalnu politiku, ekologiju i turizam obrazlagao je Jusuf Bubica.

Sa 69 glasova za, uz osam glasova protiv i uz jedan uzdržani glas, usvojen je Prijedlog Odluke o prihvatanju zaduženja po Ugovoru o finansiranju između BiH i Evropske investicijske banke (EIB) za realizaciju Projekta Koridor Vc (Počitelj – Bijača).

### **13. Prijedlog Odluke o prihvatanju zaduženja po Ugovoru o finansiranju između BiH i Evropske investicijske banke (EIB) za realizaciju Projekta „Obnovljiva energija HE Vranduk“**

Prijedlog Odluke dostavila je Vlada Federacije BiH.

Prijedlog Odluke razmatrala su nadležna radna tijela i dostavila izvještaje.

U raspravi su učestvovali: Jasmin Kadić, Ismet Osmanović, Ilhan Bušatlić, Dennis Gratz, te predstavnik „Elektroprivrede BiH“ Edib Bašić.

Sa 69 glasova za, uz četiri glasa protiv i uz četiri uzdržana glasa, usvojen je Prijedlog Odluke o prihvatanju zaduženja po Ugovoru o finansiranju između BiH i Evropske investicijske banke (EIB) za realizaciju Projekta „Obnovljiva energija HE Vranduk“.

### **14. Prijedlog Odluke o prihvatanju zaduženja po Sporazumu o finansiranju između BiH i Međunarodne asocijacije za razvoj (IDA) za realizaciju Projekta energetske efikasnosti**

Prijedlog Odluke dostavila je Vlada Federacije BiH.

Prijedlog Odluke razmatrala su nadležna radna tijela i dostavila izvještaje.

U raspravi je učestvovao Jasmin Kadić.

Sa 56 glasova za, uz tri glasa protiv i uz sedam uzdržanih glasova, usvojen je Prijedlog Odluke o prihvatanju zaduženja po Sporazumu o finansiranju između BiH i Međunarodne asocijacije za razvoj (IDA) za realizaciju Projekta energetske efikasnosti.

### **15. Prijedlog Odluke o prihvatanju zaduženja po Ugovoru o finansiranju između BiH i Evropske investicijske banke (EIB) za realizaciju Projekta „Električna distribucija BiH (2010-0562) – izgradnja sistema pametnih mjerenja u elektrodistribuciji“**

Prijedlog Odluke dostavila je Vlada Federacije BiH.

Prijedlog Odluke razmatrala su nadležna radna tijela i dostavila izvještaje.

U raspravi su učestvovali: Jasmin Kadić, Jusuf Bubica i predstavnik „Elektroprivrede HZHB“.

Potpredsjedavajući je pozvao zastupnike da se izjasne o Prijedlogu Odluke.

Sa 56 glasova za, uz 17 glasova protiv i uz dva uzdržana glasa, usvojen je Prijedlog Odluke o prihvatanju zaduženja po Ugovoru o finansiranju između BiH i Evropske investicijske banke za realizaciju Projekta „Električna distribucija BiH (2010-0562) – izgradnja sistema pametnih mjerenja u elektrodistribuciji“ JP „Elektroprivreda HZHB“ d.d. Mostar u iznosu od 20 miliona eura.

Sa 56 glasova za, uz 16 glasova protiv i uz dva uzdržana glasa, Prijedlog Odluke o prihvaćanju zaduženja po Ugovoru o finansiranju između BiH i Evropske



investicijske banke za realizaciju Projekta „Električna distribucija BiH (2010-0562) - izgradnja sistema pametnih mjerenja u elektrodistribuciji“ a odnosi se na JP „Elektroprivreda“ d.d. Sarajevo u iznosu od 15 miliona eura.

## **16. Usaglašavanje tekstova zakona različito usvojenih u domovima Parlamenta Federacije BiH**

- a) Prijedlog Zakona o izmjenama dopunama Zakona o doprinosima
- b) Prijedlog Zakona o privrednim društvima

### Prijedlog Zakona o izmjenama i dopunama Zakona o doprinosima

Predstavnički dom je na 7. vanrednoj sjednici (31.07.2015.) usvojio Prijedlog Zakona o izmjenama i dopunama Zakona o doprinosima u tekstu kako ga je predložila Vlada Federacije BiH. Dom naroda je na 5. vanrednoj sjednici (30.09.2015.) usvojio ovaj prijedlog Zakona sa jednim amandmanom Vlade ( član 2. se briše). Budući da je Prijedlog Zakona o izmjenama i dopunama Zakona o doprinosima usvojen u različitom tekstu, potrebno je da se Predstavnički dom izjasni o amandmanu Vlade Federacije BiH .

Ministrica Jelka Milićević dodatno je obrazložila Amandman Vlade, koji je usvojen u Domu naroda a odnosi se na član 2. koji je glasio: “U članu 6. u tački 10. riječi: “kantonalne skupština” se briše.”

U vezi sa ovim pitanjem diskutovali su: Mira Ljubijankić, Jasmina Zubić, ministrica Jelka Milićević, Ismet Osmanović, Slavica Josipović, Davor Vuletić i Nasir Beganović.

Ovo pitanje odgođeno je za naredno zasjedanje.

### Prijedlog Zakona o privrednim društvima

Predstavnički dom Parlamenta Federacije BiH je na 28. vanrednoj sjednici (27.04.2015.) usvojio Prijedlog Zakona o privrednim društvima u tekstu kako ga je predložila Vlada Federacije BiH, a Dom naroda ga je usvojio na 2. sjednici (15.07.2015.).

Prilikom izrade izvornika teksta ovog zakona Stručna služba Predstavničkog doma utvrdila je da u članu 336. stav 2. Zakona o privrednim društvima nije istovjetan na bosanskom, hrvatskom i srpskom jeziku. Federalno ministarstvo energije, rudarstva i industrije uputilo je dopis kojim obavještava Parlament Federacije BiH da je ispravna verzija člana 336. stav 2. na hrvatskom jeziku.

Kako bi Zakon bio objavljen u “Službenim novinama Federacije BiH“ potrebno je da domovi Parlamenta Federacije BiH usvoje tekst člana 336. stav 2. Zakona o privrednim društvima na bosanskom i srpskom jeziku onako kako glasi član 336. stav 2. Zakona na hrvatskom jeziku.

Sa 59 glasova za, uz 12 glasova protiv i uz tri uzdržana glasa, usvojen je član 336. stav (2) Zakona o privrednim društvima na bosanskom i srpskom jeziku u tekstu kako glasi na hrvatskom jeziku:

„(2) Uprava, član uprave, nadzorni odbor ili član nadzornog odbora dužan je sazvati skupštinu najmanje jednom godišnje i tokom godine kada društvo ostvari gubitak veći od petine osnovnog kapitala prema posljednjem godišnjem obračunu.“

## 17. Izbori i imenovanja

Komisija za izbor i imenovanje je na 8. sjednici (09.10.2015.) razmatrala popunu radnih tijela Predstavničkog doma Parlamenta Federacije BiH.

1. Popuna radnih tijela Predstavničkog doma Parlamenta Federacije BiH;
2. Prijedlog Odluke o izboru članova u Zajedničku komisiju odgovornu za reviziju;
3. Prijedlog Odluke o izboru članova u Zajedničku komisiju za usaglašavanje različito usvojenih tekstova zakona u domovima Parlamenta Federacije BiH,
4. Prijedlog Odluke o osnivanju i izboru članova u Komisiju za ispitivanje zakonitosti plasmana kredita u švicarskim francima.

Predstavnik Komisije dao je dodatno obrazloženje.

U rasparavi niko nije učestvovao.

Sa 68 glasova za, uz pet glasova protiv i uz dva uzdržana glas, usvojena je Odluka o popuni radnih tijela Predstavničkog doma Parlamenta Federacije BiH.

Sa 67 glasova za, bez glasova protiv i uz dva uzdržana glasa, usvojen je Prijedlog Odluke o izboru članova u Zajedničku komisiju odgovornu za reviziju.

Sa 62 glasa za, bez glasova protiv i uz dva uzdržana glasa, usvojen je Prijedlog Odluke o izboru članova u Zajedničku komisiju za usaglašavanje različito usvojenih tekstova zakona u domovima Parlamenta Federacije BiH.

Sa 64 glasa za, bez glasova protiv i uz pet uzdržanih glasova, usvojen je Prijedlog Odluke o osnivanju i izboru članova u Komisiju za ispitivanje zakonitosti plasmana kredita u švicarskim francima.

Predsjedavajući je zaključio rad 8. vanredne sjednice u 18.22.

Transkript i prijepis transkripta sjednice čine sastavni dio Zapisnika.

v. d. SEKRETARA  
PREDSTAVNIČKOG DOMA  
PARLAMENTA FEDERACIJE BIH

Daniela Čegar

PREDSJEDAVAJUĆI  
PREDSTAVNIČKOG DOMA  
PARLAMENTA FEDERACIJE BIH

Edin Mušić